

Visoki predstavnik se sastao s glavnim tužiocem Haškog tribunala



Visoki predstavnik Valentin Inzko izrazio je punu podršku radu Međunarodnog krivičnog tribunala za bivšu Jugoslaviju na sastanku s glavnim tužiocem Sergeom Brammertzom koji je održan danas u Sarajevu.

„Procesuiranje ratnih zločina je ključno za pomirenje i stabilnost, i građani Bosne i Hercegovine imaju pravo na ostvarenje pravde. Sudska praksa koju je uspostavio Haški tribunal i ostavština Tribunala daju značajan doprinos jačanju kapaciteta bh. pravosuđa kako bi se slučajevi ratnih zločina nezavisno i efikasno rješavali,“ izjavio je visoki predstavnik.

